

## სახელმწიფო შესყიდვის შესახებ ხელშეკრულება N74

ქ. დუშეთი

აპრილი 2022 წელი

ერთი მხრივ, დუშეთის მუნიციპალიტეტის მერია, წარმოდგენილი დუშეთის მუნიციპალიტეტის მერის მოვალეობის შემსრულებელი ვასილ წიკლაურის სახით (შემდგომში - შემსყიდველი),

მისამართი: დუშეთი, რუსთაველის ქ. N27

საიდენტიფიკაციო კოდი: № 229324451

ტელეფონის ნომერი:

საბანკო რეკვიზიტები: სახელმწიფო ხაზინა

ბანკის კოდი: TRESGE22

ანგარიშის ნომერი: GE24NB0330100200165022

და მეორე მხრივ, შპს „ცივწყარო“, წარმოდგენილი დირექტორის თამაზ ბედუკაძის სახით (შემდგომში - მომწოდებელი),

მისამართი: ქ.დუშეთი. ერეკლეს ქ.85

საიდენტიფიკაციო კოდი: № 229279820

ტელეფონის ნომერი: 593 63 05 24

საბანკო რეკვიზიტები: სს „საქართველოს ბანკი“

ბანკის კოდი: BAGAGE22

ანგარიშის ნომერი: GE76BG0000000160832426

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“.

„სახელმწიფო შესყიდვების შესახებ“ საქართველოს კანონის 16<sup>1</sup> მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT220004547) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

### მუხლი 1. შესყიდვის ობიექტის დასახელება და შესაბამისი CPV კოდი

1. ხელშეკრულებით გათვალისწინებულ შესყიდვის ობიექტს წარმოადგენს დუშეთის მუნიციპალიტეტის საზოგადოებრივი ჯანდაცვის სამსახურის ოფისის რეაბილიტაციის სამუშაოები (შემდგომში - სამუშაო).

2. ამ მუხლის პირველი პუნქტით გათვალისწინებული შესყიდვის ობიექტის CPV კოდია: 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები.

### მუხლი 2. ხელშეკრულების ღირებულება

ხელშეკრულების ღირებულება შეადგენს 13 759.98 (ცამეტი ათას შვიდას ორმოცდაცხრამეტი ლარი და 98 თეთრი) ლარს, საქართველოს კანონმდებლობით გათვალისწინებული გადასახადების ჩათვლით.

### **მუხლი 3. სამუშაოს შესრულების ვადა**

1. მიმწოდებელი ვალდებულია ხელშეკრულებით გათვალისწინებული სამუშაო განახორციელოს ხელშეკრულების გაფორმებიდან 2022 წლის 24 აპრილის ჩათვლით.

2. მიმწოდებელი ვალდებულია სამუშაოები დაიწყოს ხელშეკრულების გაფორმებიდან 3 (სამი) კალენდარული დღის ვადაში.

3. მიმწოდებელი ვალდებულია, ამ მუხლის პირველი პუნქტით განსაზღვრულ ვადაში, სამუშაო განახორციელოს ხელშეკრულებაზე თანდართული, სატენდერო დოკუმენტაციით განსაზღვრული ფორმით წარდგენილი, სამუშაოების შესრულების გეგმა-გრაფიკის შესაბამისად.

### **მუხლი 4. ანგარიშსწორების წესი**

1. ხელშეკრულების ფარგლებში ანგარიშსწორება იწარმოება უნაღდო ანგარიშსწორების ფორმით, საქართველოს ეროვნულ ვალუტაში, ხელშეკრულებით გათვალისწინებულ რეკვიზიტებზე.

2. მიმწოდებლის წერილობითი მომართვის საფუძველზე, ანგარიშსწორება შესაძლებელია განხორციელდეს ერთჯერადად, ხელშეკრულების გაფორმებიდან 20 კალენდარულ დღეში, საბოლოო შესრულებული სამუშაოების ღირებულების შესაბამისად, საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში..

3. საბოლოო ანგარიშსწორება განხორციელდება შესრულებული სამუშაოების მოცულობებისა და ხარისხის შესაბამისობაზე დუშეთის მუნიციპალიტეტის მერის ზედამხედველობის განხორციელებისათვის ბრძანებით შექმნილი ჯგუფის მიერ ხელმოწერით.

4. ანგარიშსწორება იწარმოებს საქართველოს მთავრობის 2020 წლის 31 მარტის N619 განკარგულების შესაბამისად

### **მუხლი 5. წინასწარი ანგარიშსწორების პირობები**

1. მიმწოდებელი უფლებამოსილია, შემსყიდველს წარუდგინოს წერილობითი თხოვნა წინასწარი ანგარიშსწორების თანხის (შემდგომში - ავანსი) გადახდის თაობაზე.

2. მიმწოდებელი არ არის უფლებამოსილი, შემსყიდველს წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა. მიმწოდებელი ვალდებულია, შემსყიდველს წარუდგინოს შესაბამისი დოკუმენტები (განახლებული ინფორმაცია საგადასახადო გირავნობისა ან/და ყადაღის თაობაზე), რომლითაც დასტურდება მის მიმართ ამ პუნქტში განსაზღვრული ვალდებულებების რეგისტრაციის არარსებობა.

3. ავანსი შესაძლოა არ გაიცეს თუკი მიმწოდებელს შემსყიდველთან დადებული სხვა ხელშეკრულებების ფარგლებში აქვს შეუსრულებელი სახელშეკრულებო ვალდებულებები ან და არაჯეროვნად აქვს შესრულებული ხელშეკრულებით ნაკისრი ვალდებულება;

4. შემსყიდველი უფლებამოსილია უარი უთხრას მიმწოდებელს ავანსის გაცემაზე სხვა პატივსადები მიზეზის არსებობის შემთხვევაშიც;

5. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ გაცემული, ავანსის იდენტური ოდენობის საბანკო გარანტია, რომლის მოქმედების ვადა 60 (სამოცი) კალენდარული დღით უნდა აღემატებოდეს სამუშაოების დასრულების ვადას.

6. ავანსის იდენტური ოდენობის საბანკო გარანტია თავისი შინაარსით უნდა იყოს უპირობო და შემსყიდველს უნდა აძლევდეს უფლებას, ავანსის იდენტური ოდენობის საბანკო გარანტიის გამცემი დაწესებულებისგან პირველივე მოთხოვნისთანავე მიიღოს შესაბამისი თანხა.

7. მიმწოდებლისთვის გადასახდელი ავანსი ჯამში არ უნდა აღემატებოდეს ხელშეკრულების ღირებულების 20 %-ს.

8. მიმწოდებელი ვალდებულია ავანსი გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.

9. წინასწარ გადახდილი თანხის გაქვითვა მოხდება პროპორციულად, ფაქტობრივად შესრულებული სამუშაოს ღირებულების იმ პროცენტის ოდენობით, რა პროცენტული ოდენობითაც გაიცა ავანსი. ეტაპობრივი ანგარიშწორების შემთხვევაში, ანგარიშწორების ბოლო ეტაპზე წინასწარ გადახდილი თანხის გაქვითვა მოხდება იმ მოცულობით, რა მოცულობაც საჭიროა ავანსის სრულყოფილად გასაქვითად;

10. ავანსის გადახდა მოხდება უნაღდო ანგარიშსწორების ფორმით მიმწოდებლის მიერ ამ მუხლის მე-3 პუნქტით გათვალისწინებული საბანკო გარანტიის შემსყიდველისთვის წარდგენის შემდეგ.

#### **მუხლი 6. შესრულებული სამუშაოს საგარანტიო ვადა**

1. შესრულებული სამუშაოს საგარანტიო ვადა შეადგენს საბოლოო მიღება-ჩაბარების აქტის გაფორმებიდან 2 (ორი) წელს.

2. ამ მუხლის პირველი პუნქტით განსაზღვრული, შესრულებული სამუშაოს საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია შეტყობინების მიღებიდან, შემსყიდველის მიერ განსაზღვრულ გონივრულ ვადაში, საკუთარი ხარჯებით უზრუნველყოს მისი აღმოფხვრა.

#### **მუხლი 7. სამუშაოს შესაბამისობა**

1. ხელშეკრულების პირველი მუხლით გათვალისწინებული სამუშაო მიმწოდებლის მიერ უნდა შესრულდეს ჯეროვნად, სამუშაოების საპროექტო დოკუმენტაციის, ტექნიკური დავალების, საქართველოს კანონმდებლობით გათვალისწინებული შესაბამისი სამშენებლო და გარემოსდაცვითი (არსებობის შემთხვევაში) ნორმებისა და წესების და შემსყიდველის მოთხოვნების შესაბამისად.

2. ახალი კორონა ვირუსის (covid 19) გავრცელებასთან დაკავშირებით, ქვეყანაში შექმნილი მდგომარეობიდან გამომდინარე, მიმწოდებელი ვალდებულია, სამუშაოების შესრულების პროცესში უზრუნველყოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსა და საზოგადოებრივი ჯანმრთელობის ეროვნული ცენტრის მიერ გაცემული რეკომენდაციების დაცვა

3. ამ მუხლის პირველ და მეორე პუნქტში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში, შემსყიდველი უფლებამოსილია, არ მიიღოს სამუშაო ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

#### **მუხლი 8. სამუშაოს მიღება-ჩაბარების წესი**

1. მიმწოდებელი უფლებამოსილია შემსყიდველისათვის შესრულებული სამუშაოების წარდგენა განახორციელოს ერთჯერადად, ხელშეკრულების გაფორმებიდან 20 კალენდარულ დღეში.

2. მიმწოდებლის მიერ წარდგენილი შესრულებული სამუშაოები მიღებულად ჩაითვლება საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმების შემდეგ.

3. ხელშეკრულების ფარგლებში შესასრულებელი, მიმდინარე და შესრულებული სამუშაოების შემოწმებას ახორციელებს დუშეთის მუნიციპალიტეტის მერის ზედამხედველობის განხორციელებისათვის ბრძანებით შექმნილი ჯგუფი, რომელიც ადგილზე ამოწმებს ხელშეკრულებით განსაზღვრული გეგმა-გრაფიკის შესაბამისად შესრულებულ სამუშაოთა მოცულობას და ხარისხს.

#### **მუხლი 9. მხარეთა უფლება-მოვალეობანი**

1. მიმწოდებელი ვალდებულია:

ა) უზრუნველყოს სამუშაოს დაწყება ხელშეკრულების გაფორმებიდან 3 (სამი) კალენდარული დღის განმავლობაში;

ბ) სამუშაოს შესრულების პროცესში იხელმძღვანელოს ხელშეკრულების მე-7 მუხლის პირველ პუნქტში გათვალისწინებული მოთხოვნების შესაბამისად;

გ) სამუშაო განახორციელოს ხელშეკრულების მე-3 მუხლში განსაზღვრულ ვადაში და პირობებით;

დ) სამუშაოები განახორციელოს ხელშეკრულებაზე თანდართული სამუშაოების შესრულების გეგმა-გრაფიკის შესაბამისად;

ე) შემსყიდველთან შეათანხმოს სამუშაოების განხორციელებისას გამოსაყენებელი მასალა(ებ)ის იერსახე და ხარისხი;

ვ) სამშენებლო/სარეაბილიტაციო სამუშაოების დაწყებამდე სამშენებლო მოედანზე გადაამოწმოს საპროექტო ნიშნულები, ასევე, საპროექტო ნახაზებში მითითებული ზომები და ნებისმიერი უზუსტობა აცნობოს შემსყიდველს;

ზ) იმ შემთხვევაში, თუ გამოვლინდება, რომ მიმწოდებლის მიერ დაგეგმილი სამუშაოებიდან რომელიმე კონკრეტული სამუშაოს განხორციელებისათვის მიმწოდებელს არ აქვს მოპოვებული საჭირო დოკუმენტაცია ან ნებართვა, მიმწოდებელი ვალდებულია, სათანადო დოკუმენტაციის ან ნებართვის მოპოვებამდე შეაჩეროს აღნიშნული სამუშაოს განხორციელება და დაუყოვნებლივ გაატაროს შესაბამისი ღონისძიებები მათ მოსაპოვებლად;

თ) საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად და ხელშეკრულების მე-6 მუხლით განსაზღვრული წესით გამოვლენილი ყველა დეფექტ(ებ)ის აღმოფხვრა;

ი) შემსყიდველს უმოკლეს ვადაში აცნობოს მისი მოსალოდნელი რეორგანიზაციის ან ლიკვიდაციის შესახებ;

კ) დაიცვას შემსყიდველის მიერ მისთვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნისა და გარემოსდაცვითი მართვის გეგმის მოთხოვნები და პირობები (მათი არსებობის შემთხვევაში).

2. შემსყიდველი ვალდებულია, შეუფერხებლად აუნაზღაუროს მიმწოდებელს შესრულებული სამუშაოების ღირებულება ხელშეკრულებით გათვალისწინებული პირობებისა და ვადების შესაბამისად.

3. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) არ ჩაიბაროს რაოდენობრივად, ხარისხობრივად ან უფლებრივად ნაკლიანი შესრულებული სამუშაო.

#### მუხლი 10. კონტროლი (ინსპექტირება)

1. ხელშეკრულებით გათვალისწინებული ვალდებულებების შესრულების, შესრულებული სამუშაოს მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს დუშეთის მუნიციპალიტეტის მერის ზედამხედველობის განხორციელებისათვის ბრძანებით შექმნილი ჯგუფი.

2. ხელშეკრულების მოქმედების პერიოდში, ხელშეკრულების შესრულების ნებისმიერ ეტაპზე, შემსყიდველი უფლებამოსილია, განახორციელოს ხელშეკრულებით გათვალისწინებული ვალდებულებების შესრულების კონტროლი (ინსპექტირება).

3. მიმწოდებელი ვალდებულია, საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტ(ებ)ის აღმოფხვრა და კონტროლის (ინსპექტირების) ხელახლა განხორციელებასთან დაკავშირებული ხარჯების ანაზღაურება.

5. სამუშაოს განხორციელების პროცესში, მიმწოდებელი ვალდებულია უზრუნველყოს ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი, ასევე, წერილობითი რეკომენდაციების და მითითებების შესრულება.

6. სამუშაოების მიმდინარეობაზე შემსყიდველის მიერ შექმნილი ინსპექტირების ჯგუფი ან სპეციალური კომისია კონტროლს (ინსპექტირებას) აწარმოებს საქართველოს კანონმდებლობის, საპროექტო დოკუმენტაციის, სპეციფიკაციების, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს სამუშაოების მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები.

7. ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების შემთხვევაში შემსყიდველის, მიმწოდებლისა და ხელშეკრულების კონტროლის (ინსპექტირება) მიზნით შერჩეული სხვა პირ(ებ)ის მონაწილეობით ფორმდება შესაბამისი აქტი, სადაც დეტალურად აღიწერება ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების მიზეზ(ებ)ი. თუ მიმწოდებლის წარმომადგენელი უარს აცხადებს ამ პუნქტში აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების არაჯეროვნად შესრულების

შემთხვევაში მიმწოდებელი ვალდებულია, თავისი სახსრებით დაუყოვნებლივ აღმოფხვრას დეფექტ(ებ)ი. სამუშაოების არაჯეროვნად შესრულების შემთხვევაში მიმწოდებელს არ უნაზღაურდება დეფექტ(ებ)ით შესრულებული სამუშაოების ღირებულება.

8. იმ შემთხვევაში, თუ მიმწოდებლის მხრიდან შესრულებულ სამუშაოთა შემსყიდველისთვის წარდგენილი მოცულობები შემსყიდველის მიერ გადამოწმების შემთხვევაში არ შეესაბამება რეალობას, შემსყიდველი ამ მუხლის მე-7 პუნქტით გათვალისწინებული აქტის შედგენის შემდეგ არ უნაზღაურებს მიმწოდებელს აღნიშნულ სამუშაოთა ღირებულებას და განიხილავს მიმწოდებლის პასუხისმგებლობის საკითხს ხელშეკრულებისა და საქართველოს კანონმდებლობის შესაბამისად.

#### **მუხლი 11. ფორს-მაჟორი**

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვანი შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის დამადასტურებელი დოკუმენტი, და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

#### **მუხლი 12. პასუხისმგებლობა**

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად (გარდა ამ მუხლის მე-2 პუნქტით გათვალისწინებული ვადების დარღვევისა) შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 5% ასეთი მოთხოვნის მიღებიდან არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება.

2. მიმწოდებლის მიერ ხელშეკრულების დანართით განსაზღვრული სამუშაოების შესრულების გეგმა-გრაფიკის დარღვევის შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.1%-ის ოდენობით.

3. იმ შემთხვევაში, თუ ხელშეკრულებით გათვალისწინებული გეგმა-გრაფიკის დარღვევის გამო მიმწოდებლისთვის ხელშეკრულების მე-12 მუხლის მე-2 პუნქტით დაკისრებული

პირგასამტეხლოს ჯამური თანხა გადაჭარბებს ხელშეკრულების საერთო ღირებულების 2%-ს, შემსყიდველს უფლება აქვს, ცალმხრივად შეწყვიტოს ხელშეკრულება.

4. ამ მუხლის პირველი და მეორე პუნქტის საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს შესრულებული სამუშაოების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

5. მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.

6. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

7. შემსყიდველის მიერ მიმწოდებლისათვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნითა და გარემოსდაცვითი მართვის გეგმის მოთხოვნებითა და პირობებით (მათი არსებობის შემთხვევაში) გათვალისწინებული ვალდებულებ(ებ)ის შეუსრულებლობით გამოწვეული ზიანისათვის პასუხისმგებლობა ეკისრება მიმწოდებელს.

8. მიმწოდებელს ეკისრება სრული პასუხისმგებლობა ტექნიკური დავალებით გათვალისწინებული ვალდებულებ(ებ)ის დარღვევის შემთხვევაში წარმოშობილ ზიანზე.

### **მუხლი 13. ხელშეკრულების შეწყვეტა**

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად (გარდა მე-12 მუხლის მე-2 პუნქტით გათვალისწინებული ვადების დარღვევისა) შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.

3. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მოუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულები გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებელმა განმეორებით დაარღვია ხელშეკრულებაზე თანდართული სამუშაოების შესრულების გეგმა-გრაფიკი;

ვ) მიმწოდებლის მიმართ ხელშეკრულებით გათვალისწინებული გეგმა-გრაფიკის დარღვევის გამო მიმწოდებლისთვის ხელშეკრულების მე-12 მუხლის მე-2 პუნქტით დაკისრებული პირგასამტეხლოს ოდენობამ გადააჭარბა ხელშეკრულების ღირებულების 2%-ს;

ზ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

თ) ხელშეკრულების ფარგლებში შესასრულებელი სამუშაო სრულად ან ნაწილობრივ გადასცა ქვეკონტრაქტორს;

ი) საქართველოს კანონმდებლობით გათვალისწინებულ სხვა შემთხვევებში.

#### მუხლი 14. უფლებების გადაცემა

1. ხელშეკრულების არც ერთ მხარეს არა აქვს უფლება, გადასცეს მესამე პირს ხელშეკრულებით განსაზღვრული თავისი უფლებები და მოვალეობები მეორე მხარის წერილობითი თანხმობის გარეშე.

2. ხელშეკრულების ფარგლებში მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

#### მუხლი 15. შეტყობინება

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, უნდა გაიგზავნოს წერილის, დეპეშის, ოფიციალური ელექტრონული ფოსტის (შემსყიდველის შემთხვევაში - [dushtitenderi@gmail.com](mailto:dushtitenderi@gmail.com)) ან ფაქსის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე.

2. შემსყიდველი უფლებამოსილია ოფიციალური შეტყობინება ატვირთოს სახელმწიფო შესყიდვების ერთიან ელექტრონულ სისტემაში. ამგვარი შეტყობინება ჩაბარებულად ჩაითვლება ატვირთვის მომენტიდან.

3. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

#### მუხლი 16. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, რა დროსაც დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

3. ხელშეკრულება რეგულირდება საქართველოს კანონმდებლობით.

4. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

5.წინამდებარე ხელშეკრულება შედგენილია ქართულ ენაზე, ელექტრონულად და და დასტურებულია კვალიფიციური ელექტრონული ხელმოწერით ან/და ელექტრონული შ ტამპით.

6. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

7. მიმწოდებლის სატენდერო წინადადება, ხარჯთაღრიცხვა, სამუშაოების შესრულების გეგმა-გრაფიკი, ტექნიკური დავალება, საპროექტო დოკუმენტაციის განმარტებითი ბარათი, სპეციფიკაციები, ნახაზები, პროექტი თან ერთვის ხელშეკრულებას და წარმოადგენს მის განუყოფელ ნაწილს.

#### მუხლი 17. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2022 წლის 30 ივნისის ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

მხარეთა ხელმოწერები:

შემსყიდველი:

დუშეთის მუნიციპალიტეტის მერის  
მოვალეობის შემსრულებელი



/ვ. წიკლაური/

მიმწოდებელი:

შპს „ცივწყაროს“ დირექტორი

/თ. ზედუკაძე/

ხარჯთაღრიცხვა

დუშეთის მუნიციპალიტეტის საზოგადოებრივი ჯანდაცვის სამსახურის ოფისის რეაბილიტაცია

შედეგნილია 2021წ. IV კვ. ფასებით

| № |          | სამუშაოებისა და დანახარჯების დასახელება                                                                        | განზ.    | რაოდენობა    |                 | ღირებულება   |        |
|---|----------|----------------------------------------------------------------------------------------------------------------|----------|--------------|-----------------|--------------|--------|
|   |          |                                                                                                                |          | განზ. ერთ-ზე | საპრ. მონაცემი. | განზ. ერთ-ის | სულ    |
| 1 | 2        | 3                                                                                                              | 4        | 5            | 6               | 7            | 8      |
| 1 | 46-30-3  | პარკეტის საფარის მოხსნა იატაკიდან (დასაწყობებით)                                                               | 100კვ.მ  |              | 0.15            |              | 0.00   |
|   |          | მუშის შრომითი დანახარჯი                                                                                        | კაც.სთ.  | 47.20        | 7.08            | 6.60         | 46.72  |
|   |          | მანქანები                                                                                                      | ლარი     | 3.01         | 0.45            | 4.00         | 1.80   |
| 2 | 46-32-1  | ხის ფანჯრის ბლოკის მოხსნა (დასაწყობება)                                                                        | კვ.მ     |              | 10.5            |              | 0.00   |
|   |          | მუშის შრომითი დანახარჯი                                                                                        | კაც.სთ.  | 1.70         | 17.85           | 6.60         | 117.81 |
|   |          | მანქანები                                                                                                      | ლარი     | 0.098        | 1.03            | 4.00         | 4.12   |
| 3 | 10-55-7  | ახალი სამუშაო ოთახის მოსაწყობად ტიხრების მოწყობა (ორმხრივი მოპირკეტება თაბაშირ-მუყაოს ფილებით ლითონის ჩარჩოზე) | 100კვ.მ  |              | 0.2             |              | 0.00   |
|   |          | მუშის შრომითი დანახარჯი                                                                                        | კაც.სთ.  | 318.00       | 63.60           | 8.50         | 540.60 |
|   |          | მანქანები                                                                                                      | ლარი     | 10.300       | 2.06            | 4.00         | 8.24   |
|   |          | მატერიალური რესურსები:                                                                                         |          |              |                 |              |        |
|   |          | მინა-ბამბის ფილები                                                                                             | კვ.მ     |              | 20.00           | 7.00         | 140.00 |
|   |          | წებო-მასტიკა                                                                                                   | კვ       | 85.40        | 17.08           | 4.7          | 80.27  |
|   |          | თაბაშირ-მუყაოს ფილები                                                                                          | კვ.მ     | 206.00       | 41.20           | 5.90         | 243.08 |
|   |          | პროფილები                                                                                                      | გრძ.მ    |              | 70.00           | 3.20         | 224.00 |
|   |          | გადასამლელები                                                                                                  | ც        |              | 60.00           | 0.50         | 30.00  |
|   |          | შურუფი                                                                                                         | კვ       |              | 4.00            | 5.00         | 20.00  |
|   |          | სხვა მასალები                                                                                                  | ლარი     | 26.40        | 5.28            | 4.00         | 21.12  |
| 4 | 15-14-1  | კედლის პანელის მოპირკეტება კერამიკული (კაფელი) ფილებით სიმაღლით-1.3მ                                           | კვ.მ     |              | 6.00            |              | 0.00   |
|   |          | მუშის შრომითი დანახარჯი                                                                                        | კაც.სთ.  | 1.70         | 10.20           | 8.50         | 86.70  |
|   |          | მანქანები                                                                                                      | ლარი     | 0.02         | 0.12            | 4.00         | 0.48   |
|   |          | მატერიალური რესურსები:                                                                                         |          |              |                 |              |        |
|   |          | წებო-ცემენტი                                                                                                   | კვ       |              | 36.00           | 1.07         | 38.52  |
|   |          | ფილა კერამიკული (საკედლე)                                                                                      | კვ.მ     |              | 6.00            | 21.00        | 126.00 |
|   |          | სხვა მასალები                                                                                                  | ლარი     | 0.07         | 0.42            | 4.00         | 1.68   |
| 5 | 10-5-1   | ტიხრების ქვედა ნაწილზე სიმაღლით 1.3 პლასტიკატი მოპირკეტება                                                     | კვ.მ     |              | 9.00            |              | 0.00   |
|   |          | მუშის შრომითი დანახარჯი                                                                                        | კაც.სთ.  | 1.14         | 10.26           | 8.50         | 87.21  |
|   |          | მანქანები                                                                                                      | ლარი     | 0.058        | 0.52            | 4.00         | 2.08   |
|   |          | მატერიალური რესურსები:                                                                                         |          |              |                 |              |        |
|   |          | პლასტიკატი                                                                                                     | კვ.მ     |              | 9.00            | 17.00        | 153.00 |
|   |          | სამაგრები                                                                                                      | კვ       | 0.54         | 4.86            | 3.70         | 17.98  |
|   |          | შურუფი                                                                                                         | კვ       |              | 1.00            | 5.00         | 5.00   |
|   |          | სხვა მასალები                                                                                                  | ლარი     | 0.11         | 0.99            | 4.00         | 3.96   |
| 6 | 15-168-7 | გარე კედლის შეღება წყალემულსიური საღებავით                                                                     | 100 კვ.მ |              | 0.20            |              | 0.00   |
|   |          | მუშის შრომითი დანახარჯი                                                                                        | კაც.სთ.  | 65.80        | 13.16           | 8.50         | 111.86 |
|   |          | მანქანები                                                                                                      | ლარი     | 1.0          | 0.2             | 4.00         | 0.8    |
|   |          | მატერიალური რესურსები:                                                                                         |          |              |                 |              |        |
|   |          | საღებავი წყალემულსიის                                                                                          | კვ       | 63.00        | 12.60           | 7.10         | 89.46  |
|   |          | საფითი                                                                                                         | კვ       | 79.00        | 15.80           | 0.65         | 10.27  |
|   |          | სხვა მასალები                                                                                                  | ლარი     | 1.6          | 0.32            | 4.00         | 1.28   |
| 7 | 15-159-2 | შიდა კედლების და ჭერის შეღება რეცხვადი ზეთოვანი საღებავით                                                      | 100 კვ.მ |              | 0.34            |              | 0.00   |

|    |         |                                                                           |              |        |       |        |         |
|----|---------|---------------------------------------------------------------------------|--------------|--------|-------|--------|---------|
|    |         | მუშის შრომითი დანახარჯი                                                   | კაცხო        | 68.8   | 23.39 | 8.50   | 198.81  |
|    |         | მანქანები                                                                 | ლარი         | 1.15   | 0.39  | 4.00   | 1.56    |
|    |         | მატერიალური რესურსები:                                                    |              |        |       |        |         |
|    |         | საღებავი 'ხეივანის                                                        | კგ           | 28.90  | 9.83  | 6.00   | 58.98   |
|    |         | საფითი                                                                    | კგ           | 41.00  | 13.94 | 0.65   | 9.06    |
|    |         | ოლიფა                                                                     | კგ           | 10.00  | 3.40  | 3.60   | 12.24   |
|    |         | სხვა მასალები                                                             | ლარი         | 0.70   | 0.24  | 4.00   | 0.96    |
| 8  | 10-20-3 | კარის ახალი ბლოკის მოწყობა (1.0*2.3)                                      | კვ.მ         |        | 2.3   |        | 0.00    |
|    |         | მუშის შრომითი დანახარჯი                                                   | კაცხო        | 1.16   | 2.67  | 8.50   | 22.69   |
|    |         | მანქანები                                                                 | ლარი         | 0.13   | 0.30  | 4.00   | 1.20    |
|    |         | მატერიალური რესურსები:                                                    |              |        |       |        |         |
|    |         | კარის ბლოკი მეტალოპლასტმასის (კომპლექტით)                                 | კვ.მ         |        | 2.3   | 190.0  | 437.00  |
|    |         | კარის მოწყობილობა                                                         | კომპლ        |        | 1.0   | 27.0   | 27.00   |
|    |         | სხვა მასალები                                                             | ლარი         | 0.02   | 0.05  | 4.00   | 0.20    |
| 9  | 10-13-1 | ფრამუგის (ფორთოჩკა) მოწყობა მეტალოპლასტმასის (გადასახსნელი) (0.8*1.2)კვ.მ | ტონა კონსტრ. |        | 0.96  |        | 0.00    |
|    |         | მუშის შრომითი დანახარჯი                                                   | კაცხო        | 1.60   | 1.54  | 8.50   | 13.09   |
|    |         | მანქანები                                                                 | ლარი         | 0.3    | 0.29  | 4.00   | 1.16    |
|    |         | მატერიალური რესურსები:                                                    |              |        |       |        |         |
|    |         | ფარმუგის გადაკიდების მექანიზმი                                            | ც            |        | 1.00  | 60.00  | 60.00   |
|    |         | ფარმუგი მეტალოპლასტმასის                                                  | კვ.მ         |        | 0.96  | 190.00 | 182.40  |
|    |         | სხვა მასალები                                                             | ლარი         | 0.18   | 0.173 | 4.00   | 0.69    |
| 10 | 10-13-1 | ფანჯრის ახალი ბლოკის მოწყობა მეტალოპლასტმასის                             | კვ.მ         |        | 10.5  |        | 0.00    |
|    |         | მუშის შრომითი დანახარჯი                                                   | კაცხო        | 1.60   | 16.80 | 8.50   | 142.80  |
|    |         | მანქანები                                                                 | ლარი         | 0.3    | 3.15  | 4.00   | 12.60   |
|    |         | მატერიალური რესურსები:                                                    |              |        |       |        |         |
|    |         | ფანჯრის ბლოკი მეტალოპლასტმასის                                            | კვ.მ         |        | 10.5  | 195.00 | 2047.50 |
|    |         | თარო მეტალოპლასტმასის                                                     | მ            |        | 6.00  | 17.50  | 105.00  |
|    |         | ბადე დამცავი                                                              | კვ.მ         |        | 2.4   | 45.00  | 108.00  |
|    |         | სხვა მასალები                                                             | ლარი         | 0.18   | 1.89  | 4.00   | 7.56    |
| 11 | 11-20-3 | იატაკის ახალი საფარის მოწყობა კერამიკული (მეტლახის) ფილებით               | 100 კვ.მ     |        | 0.14  |        | 0.00    |
|    |         | მუშის შრომითი დანახარჯი                                                   | კაცხო        | 108.0  | 15.12 | 8.50   | 128.52  |
|    |         | მანქანები                                                                 | ლარი         | 4.52   | 0.63  | 4.00   | 2.52    |
|    |         | მატერიალური რესურსები:                                                    |              |        |       |        |         |
|    |         | კერამიკული ფილა (იატაკის)                                                 | კვ.მ         | 102.00 | 14.28 | 20.0   | 285.60  |
|    |         | დუღაში ცემენტის                                                           | კუბ.მ        | 2.23   | 0.31  | 96.00  | 29.97   |
|    |         | პლინტუხი კერამიკული (10 სმ.)                                              | კვ.მ         |        | 1.4   | 20.00  | 28.00   |
|    |         | სხვა მასალები                                                             | ლარი         | 4.66   | 0.65  | 4.00   | 2.60    |
| 12 | 21-1-1  | ელ.გაყვანილობის მონტაჟი                                                   | 1 ბინა       |        | 1.0   |        | 0.00    |
|    |         | მუშის შრომითი დანახარჯი                                                   | კაცხო        | 10.70  | 10.70 | 6.60   | 70.62   |
|    |         | მატერიალური რესურსები:                                                    |              |        |       |        |         |
|    |         | ელ.კადენი 2*2.5(მმ) სპილენძის ძარღვით                                     | მ            |        | 40.0  | 1.95   | 78.00   |
|    |         | კაბელი-არხი                                                               | მ            |        | 40.0  | 0.81   | 32.40   |
|    |         | ჩამრთველი (გარე)                                                          | ც            |        | 1.0   | 8.50   | 8.50    |
|    |         | სამტეფსელო როზეტი (გარე)                                                  | ც            |        | 3.0   | 8.10   | 24.30   |
|    |         | სანათი ჭერის                                                              | ც            |        | 1.00  | 20.00  | 20.00   |
|    |         | სხვა მასალები                                                             | ლარი         | 9.58   | 9.58  | 4.00   | 38.32   |
| 13 | 46-21-1 | საკანალიზაციო სისტემის მოსაწყობად ხვრელების და ღარების გაჭრა              | 100მ         |        | 0.25  |        | 0.00    |
|    |         | მუშის შრომითი დანახარჯი                                                   | კაცხო        | 24.60  | 6.15  | 6.60   | 40.59   |
|    |         | მანქანები                                                                 | ლარი         | 9.30   | 2.33  | 4.00   | 9.32    |
| 14 | 16-6-1  | საკანალიზაციო ქსელის მონტაჟი (არსებულ ტუალეტში დაერთებით)                 | 100მ         |        | 0.25  |        | 0.00    |
|    |         | მუშის შრომითი დანახარჯი                                                   | კაცხო        | 60.90  | 15.23 | 5.00   | 76.15   |
|    |         | მანქანები                                                                 | ლარი         | 0.21   | 0.05  | 4.00   | 0.20    |
|    |         | მატერიალური რესურსები:                                                    |              |        |       |        |         |
|    |         | საკანალიზაციო მილი პლასტმასის დ-50მმ                                      | მ            |        | 25.0  | 3.35   | 83.75   |

|    |         |                                                                   |                  |       |       |        |          |
|----|---------|-------------------------------------------------------------------|------------------|-------|-------|--------|----------|
|    |         | სამაგრები                                                         | კგ               | 14.00 | 3.5   | 3.6    | 12.60    |
|    |         | პლასტმასის ფასონური ნაწილები                                      | ც                |       | 10.0  | 5.0    | 50.00    |
|    |         | სხვა მასალები                                                     | ლარი             | 15.60 | 3.90  | 4.00   | 15.60    |
| 15 | 17-1-6  | ხელსაზანის და სატუმბო დანადგარების მონტაჟი                        | კომპლ            |       | 1.00  |        | 0.00     |
|    |         | მუშის შრომითი დანახარჯი                                           | კაც.სთ           | 6.86  | 6.86  | 6.60   | 45.27    |
|    |         | მანქანები                                                         | ლარი             | 0.4   | 0.40  | 4.00   | 1.60     |
|    |         | მატერიალური რესურსები:                                            |                  |       |       |        |          |
|    |         | ხელსაზანი ლით. ტუმბოთი                                            | კომპლ            |       | 1.00  | 90.00  | 90.00    |
|    |         | სატუმბო დანადგარი                                                 | კომპლ            |       | 1.00  | 1476.0 | 1476.00  |
|    |         | ონკანი დ-20 მმ.შემრევი                                            | ც                |       | 1.00  | 40.00  | 40.00    |
|    |         | სხვა მასალები                                                     | ლარი             | 0.38  | 0.38  | 4.00   | 1.52     |
| 16 | 18.3-1  | წყალგამაცხელებლის (თერმექსის) მონტაჟი (50ლ)                       | კომპლ.           |       | 1.00  |        | 0.00     |
|    |         | მუშის შრომითი დანახარჯი                                           | კაც.სთ           | 8.75  | 8.75  | 6.60   | 57.75    |
|    |         | მანქანები                                                         | ლარი             | 0.5   | 0.45  | 4.00   | 1.80     |
|    |         | მატერიალური რესურსები:                                            |                  |       |       |        |          |
|    |         | ელ.წყალგამაცხელებელი (თერმექსი) (50ლ)                             | კომპლ            |       | 1.00  | 269.50 | 269.50   |
|    |         | სხვა მასალები                                                     | ლარი             | 1.64  | 1.64  | 4.00   | 6.56     |
| 17 | 11-20-3 | იატაკის დაზიანებული კვანძების აღდგენა                             | კვ.მ             |       | 2.00  |        | 0.00     |
|    |         | მუშის შრომითი დანახარჯი                                           | კაც.სთ           | 1.08  | 2.16  | 8.50   | 18.36    |
|    |         | მატერიალური რესურსები:                                            |                  |       |       |        |          |
|    |         | დულაბი ცემენტის                                                   | კვ.მ             | 0.022 | 0.04  | 96.00  | 3.84     |
|    |         | ფილა იატაკის                                                      | კვ.მ             |       | 2.00  | 20.00  | 40.00    |
|    |         | სხვა მასალები                                                     | ლარი             | 0.046 | 0.09  | 4.00   | 0.36     |
| 18 | 16-6-1  | წყალმომარაგების ქსელის მოწყობა (დაერთება ტუალეტში არსებულ ხაზთან) | 100მ             |       | 0.25  |        | 0.00     |
|    |         | მუშის შრომითი დანახარჯი                                           | კაც.სთ           | 60.90 | 15.23 | 6.60   | 100.51   |
|    |         | მანქანები                                                         | ლარი             | 0.21  | 0.05  | 4.00   | 0.20     |
|    |         | მატერიალური რესურსები:                                            |                  |       |       |        |          |
|    |         | მილი მინაზიჰკოვანი წყალსადენის დ-20 მმ.                           | მ                |       | 25.00 | 2.54   | 63.50    |
|    |         | პლასტმასის ფასონური ნაწილები                                      | ც                |       | 10.00 | 4.00   | 40.00    |
|    |         | სამაგრები                                                         | კგ               | 14.00 | 3.50  | 3.60   | 12.60    |
|    |         | ვენტილი დ-20 მმ                                                   | ც                |       | 2.00  | 10.20  | 20.40    |
|    |         | სხვა მასალები                                                     | ლარი             | 15.6  | 3.90  | 4.00   | 15.60    |
| 19 | 16-20-1 | დაერთება (ჩაჭრა) არსებულ ქსელთან                                  | მ კვანძი (ჩაჭრა) |       | 2.00  |        | 0.00     |
|    |         | მუშის შრომითი დანახარჯი                                           | კაც.სთ           | 4.98  | 9.96  | 6.60   | 65.73    |
|    |         | მანქანები                                                         | ლარი             | 0.08  | 0.16  | 4.00   | 0.64     |
|    |         | მატერიალური რესურსები:                                            |                  |       |       |        |          |
|    |         | სხვა მასალები                                                     | ლარი             | 0.2   | 0.46  | 4.00   | 1.84     |
|    |         | სულ                                                               |                  |       |       |        | 9075.68  |
|    |         | მატერიალური რესურსების ტრანსპორტირება სამშ. მოედანამდე            | 5%               |       |       |        | 454.08   |
|    |         | სულ                                                               |                  |       |       |        | 9529.76  |
|    |         | ზედნადები ხარჯები                                                 | 10%              |       |       |        | 952.98   |
|    |         | სულ                                                               |                  |       |       |        | 10482.74 |
|    |         | გეგმიური დაგროვება                                                | 8%               |       |       |        | 838.62   |
|    |         | სულ                                                               |                  |       |       |        | 11321.36 |
|    |         | გაუთვალისწინებული ხარჯები                                         | 3%               |       |       |        | 339.64   |
|    |         | სულ                                                               |                  |       |       |        | 11661.00 |

შპს ცივწყაროს დირექტორი: **Tamaz Beduk adze** /თ.ბედუკაძე/  
Digitally signed by Tamaz Bedukadze  
Date: 2022.03.17 13:01:07 +04:00



